



Бугунги сонда:	1-бет Мафияга берилган зарба	4 — 5-бетлар Зангори экранда	7-бет Ертўладаги «запод»	8-бет Ҳордиқ учун ярим саҳифа
----------------	---------------------------------	---------------------------------	-----------------------------	----------------------------------

ДАВЛАТ ДАСТУРИ — МУҲИМ ОМИЛ

ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРИ, ИЧКИ ХИЗМАТ ГЕНЕРАЛ-ЛЕЙТЕНАНТИ З. А. АЛМАТОВ

Ўзбекистон Республикаси ички ишлари органларига хизмат фаолиятини ҳуқуқий таъминлаш, моддий-техника таъминоти, кадрлар тайёрлаш, собиқ иттифоқдош республикаларнинг ички ишлар органлари билан алоқаларни мустақамлаш, жиноятчиликка қарши кураш, хорижий мамлакатлар билан алоқалар ўрнатиш масалаларини мустақил ҳал қилиш борасида қатъий қадамлар қўйишга тўғри келмоқда.

Бундан келиб чиққан ҳолда ўтган йил апрелида Олмаотада мустақил давлатлар ички ишлар ва з и р л и к л а р и н и н г жиноятчиликка қарши кураш борасида ўзаро ҳамкорлик қилиш тўғрисида битим имзоланди. Августда Чўлпонотада (Қирғизистон Республикаси) ахборот айрибошлаш, махсус техника воситалари ва махсусотлар билан таъминлаш соҳасида, октябрда эса Киевда гиёҳвандлик моддаларининг гайриқонуний тарқатилишига

қарши кураш бўйича ҳамкорлик қилиш тўғрисида кўп томонли шартномалар имзоланди. Эрон, Покистон, Франция билан жиноятчиликка қарши курашнинг муҳим масалалари бўйича келишувга эришилди.

Ўзбекистон Республикаси ИИВнинг расмий делегацияси Интерпол Бош Ассамблеясининг Дакарда (Сенегал) ўтган 61-сессияси ишида кузатувчи сифатида иштирок этди, бу ерда гиёҳвандлик моддаларини ташиш ва гайриқонуний сотишга, халқаро иқтисодий жиноятларга, қалбаки пул ясовчиларга барҳам бериш билан боғлиқ масалаларни муҳокама қилишга алоҳида эътибор берилдики бу нарса бизнинг минтақамиз учун гоятда долзобдир. Интерполга аъзо бўлган шароитда, бу эса энг яқин келажакда ҳал бўлади, ИИВ хизматларини компьютерлаштириш ва телекоммуникацияларнинг ягона тизимига киритиш имконияти пайдо бўлади.



Республика ИИВнинг бир гуруҳ раҳбар ходимлари яқинда Интерполнинг Лиондаги қароргоҳида бўлишди, бу ерда улар француз полициясининг фаолияти қандай ташкил этилгани, унинг учун кадрлар тайёрлаш тизими, полициянинг

турли хизматлари техника билан қандай жиҳозланганини ўргандилар, Ҳалқаро жиноий полиция ташкилоти (Интерпол) билан жиноятчиликка қарши кураш соҳасида ҳамкорлик қилиш ва куч ҳаракатларни жамлашни йўлга қўйиш учун яхши негизга асос солинди. Ҳамкасбларимиздан ўрганса бўладиган жиҳатлар эса оз эмас. Маълумот учун — Францияда 250—300 фуқарога битта полициячи, бизда эса бир милиция ходимига салкам 1 мингта фуқаро тўғри келади. Оддий полициячи кам деганда 11 минг франк (2 минг доллар) маош олади. Ўзининг самарадорлиги билан ном чиқарган француз полициячисининг иши аввало ИИВ ходими нуфузининг гоятда юқорилиги, хизматга номзодлар пухта танланиши, мутахассислар назарий ва касбий тайёрланиш даражасининг юқорилиги билан шартланган.

Ўз ишимиз ҳақида гапирар эканмиз, шуни таъкидлашни истар эдимки, кейинги йилларда истеъмол бозорини ҳимоя қилиш, мулкни давлат эгалигидан чиқариш ва хусусийлаштириш чоғида суниестемолларга барҳам бериш борасида комплекс тезкор-тергов ва олдини олиш тадбирлари амалга оширилди.

(Давоми 2-бетда).

МАФИЯГА БЕРИЛГАН ЗАРБА

Самарқанд вилояти ички ишлар бошқармаси вилоят прокуратураси ва миллий хавфсизлик хизмати билан биргаликда минатақадаги барқарорликни бузишга алоқадор бўлган жиноят оламининг юздан ортиқ йўлбошчилари ва "обруманд"ларни текшириш юзасидан тадбир ўтказди. Ўқотар ва совуқ қуроллар, гиёҳванд моддалар, анча миқдорда халқ истеъмоли буюмлари тортиб олинди.

Жиноий гуруҳлардан бирига бошчилик қилган Ш. деган шахсдан қирқма ов милтиги ва ўқ-дори топилди. МДҲга кирувчи кўплаб мамлакатларнинг жиноят оламида баобру бўлган А. исмли шахсдан эса морфий, кўкнори ва шприц чиқди. Яна бир жиноятчи гуруҳ бошлиғи З., шунингдек бир қатор босқинчиликларда гумон қилинаётган ака-ука Ф. билан Ш.лардан кўп миқдорда гиёҳванд моддалар тортиб олинди.

Жиноят оламининг "обруманд"ларидан бири бўлмиш

Ю. дан "Вальтер" тўппончаси, "Наган" револьвери ва уларда қўлланиладиган ўқ-дорилар мусодара қилинди. М. исмли кимсадан қирқма қурол ўқ-дориси ва кечаси кўриш учун ишлатиладиган армия асбоби, анчагина машҳур ишбилармон У.дан огнемёт билан тугмачали пичоқ тортиб олинди.

Гўзалкент қасабасида яшовчи А. дан 4 килограмм кўкнори, 11 килограмм қорадори, Макаров тўппончасининг 16 дона, майда калибрли қуролнинг 66 дона ўқи, ёш чиқарадиган газ баллончаси, 5 дона совуқ қурол, икки миллион сўмга яқин пул ва подшо даврида зар қилинган тангалар топилди ва мусодара қилинди.

Хуфия иқтисодиётнинг кўпгина ишбилармонларидан юқори нархларда сотиш учун мўлжалланган товар-моддий бойликлар мусодара қилинди. Челақда яшовчи Н. нинг уйида бир тоннага яқин шакар, 500 пачка болалар овқати, қўлбола ароқ тайёрловчи асбоблар ва рўйхатдан

ўтказилмаган икки стволли қурол топилган. Унинг юртдоши А.дан 2 миллион сўмлик товар моддий бойликлар мусодара қилинган. Булуғурдаги машиналарга бензин қўйиш тармоғининг бошлиғи уйдан 8,5 миллион сўмлик 11 минг банка томат пастаси топилган.

Қароқчиларча ҳужумлари ва бошқа жиноятлари учун бир неча марта судланган "қонундаги ўғри" И. дан ҳам кўп миқдорда саноат моллари, шу жумладан 24 ўрам бахмал мусодара қилинди.

Яна 40 та жиноятчи унсурдан 15 килограммдан ортиқ гиёҳвандлик моддаси, қурол учун 100 бирликдан кўпроқ ўқ-дори, 200 та номда заргарлик буюми, импорт кийими, чет элда ишланган радиостанциялар, кўп миқдорда халқ истеъмоли моллари мусодара қилинди.

Операция давомида 25 дан ортиқ шахс, шу жумладан миллатлараро алоқалари бўлган 8 нафар "обруманд" шахс қўлга олинди.

С. ЗОҲИДОВ,
Самарқанд шахри.

Соат ўн иккидан ўтаётгани. Бўстонлик тумани ИИБ энгиндан сақлаш бўлинмасининг катта нозир, ички хизмат капитани Абдурашид Усмонов, нозир, ички хизмат капитани Жунусбек Ўтенбоев Ғазалкент шаҳрининг Ғафур Гулом кўчаси бўйлаб кетишга эди.

сиқилиб ташқарига қайтиб чиқди. Тоза ҳавода бироз тургач, яна ичкарига кириб кетди. Бу сафар омади юришди, бурчакда сиқилиб ўтирган икки яшар гўдакни бағрига босиб олиб чиқди.

Бу билан бечора онаизор таскин топмаган эди. Хушидан

"ВАЗИФАМИЗ, ОТАХОН"

Тўсатдан 5-уйдан осмонга бўралаб тутун кўтарилаётганига кўзлари тушди. Уй олдида шовқин ҳам авжига чиққан эди. Йигитларнинг бири шоша-пиша ўт учирини қисми томон, иккинчиси воқеа жойига югуриб кетишди.

Энгин содир бўлган уйнинг ҳовлисида уй бекаси Жумагул Абдуганиева ўзини йўқотганча аюҳаннос соларди. Унинг гапидан маълум бўлишича болалари уй ичкарисида қолиб кетган экан.

Бу пайтда аланга зўрайиб кетган, уйга кириш амримаҳол эди. Хоналар эса бутунлай тутунга тўлиб қолганди. Шунга қарамай Жунусбек ўзини ичкарига урди. Икки хонани кўздан кечириб, болаларни тополмай, тутундан нафаси

кетар экан, "бешиқ, бешиқ", дейишга улгурди, холос. Бу сўз энгиндан сақлаш бўлинмаси ходимини яна ўзини оловга уришга мажбур қилди. Бу вақтда ўт учирини машиналари билан етиб келган Абдурашид ҳам олов ичига кириб, бешиқни кидиришга тушди.

Кидириш ўз натижасини берди. Энг ичкариги ҳонада тутундан бўғилаётган гўдакни бешиги билан ажал комидан олиб чиқишди...

Воқеани кузатиб турган бир отахон ҳайратланиб йигитлардан сўради:

— Шунчалик қаттиқ ўтнинг ичига киришга кўрқмайсизларми, болам?

— Вазифамиз-ку, отахон.

Т. РАСУЛТОВ,
Бўстонлик тумани ИИБ
бошлиғи муовини.



— Хўш безори, ароқхўр, текинхўр фуқаролар! Кум конига ким боради?
 — ...
 — Қурилишга ким?
 — ...
 — Гушт комбинати...
 — М-е-н!!!
 — ...дан буюртма йўқ.
 — У-ф-ф...

Х. ШОДИЕВ олган сурат.

КУЛГАНГА КЕНГ ДУНЁ

ДАНГАЛ ЙИГИТ

— Агар декан ўз сўзини қайтариб олмаса, мен институтдан кетаман!
 — Декан нима деганди?
 — У менга институтдан кетасан деди.

“ХАТ”

“Азизим! Сенга хат езишга қарор қилдим. Яна 100 сўм пул қўшиб жўнатмоқчи эдим, афсуски, конвертни елимлаб қўйибман. Уэр”.

У-ЧИ?

Икки маст троллейбусда кетишаяпти. Бири ҳайдовчига яқинлашиб, сўради:

— Мен шу троллейбус билан вокзалгача бораманми?
 — Йўқ, боролмайсиз.
 Иккинчиси сўради:
 — Мен-чи?

ЗЎР ХОТИН

— Сен эрингни еқтирасанми?
 — Бўлмаса-чи. Мен ҳамма эркакларни еқтираман.

КЕСИЛГАН ОЙНА

Эруйига қаттиқ ичиб келди. Утириб ўйлай бошлади: “Хотин иккинчи сменада. Ичганимни билдирмаслик учун нима қилсам экан-а? Топдим! Ҳозир соқолимни оламан-да, етиб ухлайман”. Ваннадаги ойнага қараб соқолини ола бошлади, аммо энгагини кесиб юборди. Кейин лейкопластирни олиб, кесилган жойларга епиштириб қўйди ва етиб ухлади.

Эрталаб ...
 — Аҳ, яна ичиб келдингми?
 — Ким ичди? Ўйлаб гапир! Одамга ўхшаб келдим, соқолимни олдим...
 — Соқолингни олдинг? Бор, қара! Ойнани тўлдириб лейкопластир епиштириб ташлабсан-ку!

Ўйлаб топилмаган гаплар

“Назоратдаги А.нинг уй ва иш жойларида бўлдим. Юриштириши ижобий. Оилали. Бошқа қондабузарликлар аниқланмади”.

(Участка вакилининг баённомасидан).

“Менда бўш жойлар бўлмаганлиги учун учта одамни бир жойга осгандим. Томоша тугагач, хотинлари келиб олиб кетишди. Кейин билсам, бир-бириникини алиштириб

кетишибди. Шу.”.

(Кийим қабул қилувчининг тушунтириш хатидан).

“Белгилари: бўйи ўртадан баландроқ, баланддан пастроқ. Кўзлари қора, лекин қоралиги билинмайди. Жуда кичкина, худди кўринмайдигандек кўринади”.

(Жиноятчига берилган таърифдан).

“У мени ёмон урди. Дод девордим. Лекин нимагадир ўзининг кўзи кўкариб чиқди”.

(Тушунтириш хатидан).

ЭЪЛОН

1991 йилда Тошкент алоқа политехникуми томонидан Хожимурот Гафорович Абдуазимов номига берилган ПТ-1 103998 рақамли диплом йўқолганлиги сабабли;
 Тошкент вилояти Тошкент тумани 19-МПТБЮ томонидан 1987 йилда Шавкат Эркинович Эргашев номига берилган А — 1080185 рақамли ўрта маълумот тўғрисидаги етуклик аттестати йўқолганлиги сабабли;

БЕКОР ҚИЛИНАДИ

ДИҚҚАТ, ҚИДИРУВ



Самарқанд вилояти ҳокимлиги ИИБ томонидан 1951 йилда Самарқанд вилоятидаги Каттакўргон шаҳрида тугилган, бир қатор оғир жиноятлар содир этган хавфли жиноятчи Раҳматулло Аҳадов кидирилмоқда.

Белгилари: бўйи 165, см., қадди-басти ўртача, сочлари тўксарик, кўйкўз.

Жиноятчининг макони ҳақида бирор нарса билганлардан яқин ўртада жойлашган милиция бўлимига еки “02” телефони орқали хабар қилишларини сўраймиз.

Тошкент вилояти ИИБ ва қариндошлари томонидан бедарак йўқолган Шоҳмурод Муродович Аббосов кидирилмоқда. У 1992 йил 12 ноябрь куни давлат белгиси 57-16 ТШП бўлган “КамАЗ-53121” белгили автомашинасида Олмалиқ шаҳридаги 3-автобазадан чиқиб кетганича қайтмаган.

Ш. Аббосов 1930 йилда тугилган. Ўша куни ҳаворанг пиджак, қизил рангли катак кўйлак ва қора шапкада бўлган.

Ш. Аббосов 1930 йилда тугилган. Ўша куни ҳаворанг

Автомашина белгилари: ранги саргиш, двигатель рақами — 678923, шасси рақами — 066857.

Ш. Аббосов ва юқорида кўрсатилган автомашина ҳақида бирон бир маълумотга эга фуқаролардан бу ҳақда 65-07-79 еки “02” рақамли телефонлар орқали хабар беришларини сўраймиз.



Тошкент шаҳар ҳокимлиги ИИБ томонидан куйидаги хавфли жиноятчилар қидирилмоқда



Алексеенко Виктор Петрович, 1964 йилда тугилган. Белгилари: 172 см, сочлари оч-сарик, юзлари қорачадан келган, кўйкўз, ҳар икки елкасида фаришталар тасвири туширган татуировкаси бор.



Алибаш Сергей Иванович, 1951 йилда тугилган. Белгилари: бўйи ўртача, сочлари, қора, оқ оралаган, кўйкўз, мўйлаби бор. Алоҳида белгилари: чап оёғида машъала тасвири туширилган татуировкаси бор, тепа жағидаги учта тиши оқ металлдан.



Исоқов Мадамин Маҳмудович, 1971 йилда тугилган. Белгилари: бўйи ўртача, сочлари қора, кўйкўз.



Абжаппаров Жанболат Анжарович, 1961 йилда тугилган. Белгилари: баланд бўйли, юзи қотмадан келган, шалпангқулоқ, пешонасидаги қилтомирлари кўришиб туради.

- Кўчириб босишда «Постда»дан эканлигини кўрсатиш шарт.
- Мақолада келтирилган рақамлар, фактлар ва бошқа маълумотлар учун, шунингдек, очиқ эълон қилиниши мумкин бўлмаган маълумотлар учун муаллиф жавобгар ҳисобланади.
- Муаллифнинг мулоҳазаси тахририят фикрига мос тушмаслиги мумкин.
- Қўлёзмалар таҳрир қилинмайди ва қайтарилмайди.

Газета ИВМ компютерида терилди ва саҳифаланди.
 Ўзбекистон Республикаси «ШАРҚ» нашриёт-матбаачилик концерни босмаҳонаси.
 700083, Тошкент, Ленинград кўчаси, 32.

ТЕЛЕФОНЛАР: муҳаррир — 54-37-91, муҳаррир ўринбосари — 39-77-23, масъул котиб — 59-26-56, мухбирлар бўлими — 59-20-92, умумий бўлим — 59-21-21.
 Обуна рақами — 64615.

Муҳаррир Зокир ОТАЕВ.
 МАНЗИЛГОҲИМИЗ: 700029, Тошкент, Г. Лопатин кўчаси, 1.